


www.BibleForChildren.org



Juan 14



Que'i injama' chone ñombi'ye' fajama. Chiga Quitsave
ñotsse in'jamba ñame'qqe ñotsse in'jan'faja. Ña
Quitsa tsaonijan tsain'bitssi can'jeña'tti tsu jin.
Tsa' cambiecan'da gi que'inga: "Tseni japa
gi can'jeña'ttive
ñoñaña que'ine."



qquen condambi'ye'can. Toya'caen ña tseni japa
osha'choma ñoñamba gi ccase vani jiya que'ima
i'ngiye cuintsu mani ña can'jen'ninda tseni
que'i'qque can'jen'faye.



Ña, Juan, gi que'i faenga'su Jesúsve in'jan'cho,
fae'ngae que'i'ccu vana'jen. Chiga Aya'fama
candusiamba gi Jesúsne poiya'cconga


conda. Tsa'caen condasi
tsu nasundeccu ñama




indipa vani
picco, Patmos
anttepo'choni.




Qquen susi tse'faei'ccuyi Chiga Qquendya'pa ñama
angasi gi atte. Chiga sefacconi tsu na'su
dyaipa'choja ccutsu. Tsani tsu na'suja dyai.




Toya'caen gi paña pa'cco Chiga agattoen'cho
settapoen'choma. Nane pa'cco Chigambe
sefacconi'su jincho'cho, pa'cco
andeni'su jincho'cho, toya'caen
ande tsosini, mar tsosini
jincho'cho'qque tsu qquen
settapoen'fa: Na'su
dyaipa'chonga
dyai'suja
ñotssia
osha'choma
oshacho.




Oveja'qque tsu ñotssia,
osha'choma oshacho. Tsangae tsu
Tise'panga ñotsse tsoña'cho.
Tsangae tsu Tise'panga ñotsse
afaya'cho.




Toya'caen, ña, Juan gi Chiga canquema atte Chiga
sefaccone ande'choma. Chiga Quitsane tsu va
cuna Jerusalénjan ande. Nane pushesu tsa'nduye
tson'jemba ñotsse ñoñaquia'caen tsu tsa canqueja
cuname ñotsse ñoñamba ande.




Tsa'caen andesi Na'su dyaine aya'fa quia'me afasi gi
qquen paña: —Ja'ño tsu Chiga Quitsaja aindecui'ccu
can'jeña. Tse'tti tsu Tise can'jeña'tti. Aindecu
Tise a'ive dasi Tiseja fae'ngae can'jensi aindecuja
Tise'veyi
in'jan'faya.



Tsonsi sefacconi'su shondo'suja na'ema
ñanga canjaen. Tsaja cansiaña'cho tsa'ccu
tsu. Canccoa'caen veyaratssia've tsu ai'je.
Chiga dyaipa'cho'ye, tsa Oveja dyaipa'cho'ye
sombopa canqque tsaiqui enttingeni ai'je.



Ni coejechiga ni cose'suchiga'qqe chanjumbi.
Nane Chigayi tsu a'tatsse pa'ccoma
chanjien. Oveja'qqe poimbe tuño tsu.



Tsa'ma egae jincho'choma
tsa canquenga ca'niañe
osha'faya'bi. Ni egae
tsincon'su ni afopoen'su
ca'niñe osha'faya'bi.
Tsa'ma Chigambe Oveja
Canseya'chondeccu
Tevaen'jenga
tevaengesundeccu'yi
tsu tsa canquenga
ca'niñe osha'faya.



Chigaja jipa aindeccu inanzaccuma
ccuchaquua'caen tsu osha'choma
ñotssiave ñoñaña. Nane a'ija
pa'faya'bi. Ñombi'ye'faya'bi.
I'na'faya'bi. Iña'su'faya'bi.
Nane osha'cho tayoe
jincho'cho tsu
tsangae pasaya.




Chiga tise agattoen'choma dañoite tayo pasasi tsaite
dañonge'choja tsa canqqueni can'jeña'bi. Tsa'ma
Chigambe dyaipa'cho, Oveja dyaipa'cho tseni
can'jensi Tisema shondosundeccuja Tisema ñotsse
in'jamba shondo'faya.


Nane tsendeccuja
cambajunaccu
Chigama atte'faya.
Toya'caen tise'pa
tsovejunga
Chigambe
inisema
tevaengepa
an'bian'faya.



Tsomba poi'yi'cco pa'chondeccuma atte.
Poi'yi'cco, majan ti'tsse'tssia, majan utu'cco,
na'su dyaipa'chonga ccutsu'fa. Ccutsusi
tevaen'jema tsu fetta tsama camba poimbe
injama'choma somboeñe. Poi a'imbe
cansepa ma'caen tson'choma
tevaen'jenga tevaeñesi tsama
camba pa'chondeccu
injama'choma
somboen.



Toya'caen faesu tevaen'jen, Canseya'cho
Tevaen'jema'qqe fetta. Poiyi'cco
majambe inisema Chigambe Tsangae
Canseya'cho Tevaen'jenga tevaembi'ta
tsendeccoma'qqe si'nge singu'ccunga
ttova moen'fa.



Chiga Qquendya'pa, Ovejambe pushe'qqe tsu su'fa:
—iJija! Poiyi'cco pañasundeccu'qqe tsu su'fa:
—iJija! Nane poiyi'cco majan tsa'qqie'su'ta tsu
jiya'cho. Majan in'jan'da tsu Cansiaña'cho
Tsa'ccuma cu'iya'cho. Aquia afe'cho tsu.



Nane Chigaja va andeni'su a'ima
tsain'bitsse in'jamba Tise
Dutssi'ye fae'ccoama a'inga
afemoen cuintsu poi'yi'cco majan
tise've in'jan'chota catiyembe'yi
Chigai'ccu tsangae
canse'faye.



Romanos 3:23

Nane poi'yi'cco tsu egae tsin'con'fa. Chiga ñotsse
in'jan'chove nafattumbipa poi'yi'cco tsu shacapa'fa.

Romanos 6:23

Majan egae tsin'con'ninda Chigaja tsangae paya'choi'ccu
afepoeña. Tsa'ma majan Jesucristoma tisu na'suve
in'jan'ninda Chigaja tisenga afeya cuintsu
tsangae canseye.

Hebreo'su 9:27

Nane poi'yi'cco a'i tsu fae seyi pa'faya'cho. Tsa'caen
pasi tsu Chigaja Tise'pa canseite tsin'con'chone afaya.



Efeso'su 2:8,9

Tisuyi qui ccushaye osha'fambi. Tsa'ma Chigave
in'jansi Tiseja que'ima in'jamba ccushaen tsangae
canse'faya'chove. Nane Chiga aquia afe'cho
tsu. Tsa'cansi semamba qui ccushaye
osha'fambi patsuye afasa'ne.

Romanos 10:9,10

Que'i aya'fai'ccu: "Jesúsja ña na'su" qquen supa tisu
injama'choi'ccu "Chigaja Jesúsma pa'chondeccu'ye
qquendyaen" qquen in'jan'da qui ccusha'faya.
Nane injama'choi'ccu in'jaña'cho cuintsu Chigaja suye:
"Queja ño'a." Toya'caen tisu aya'fai'ccu Jesúsve
in'jan'choma condaseya'cho cuintsu
Chiga que'ima ccushaeñe.



Juan 3:16,17

Nane Chigaja va andeni'su a'ima tsain'bitsse in'jamba
Tise Dutssi'ye fae'ccoama a'inga afemoen cuintsu
poi'yi'cco majan tise've in'jan'chota catiyembe'yi
Chigai'ccu tsangae canse'faye.

Nane Chigaja Tise Dutssi'yema moembi cuintsu a'i
injama'choma somboeñe. Tsa'ma poi'yi'cco a'ima
ccushaeñe tsu tisema moen.

1 Juan 5:11-13

Qquen tsu ñoa'me Chiga su'cho: Chigaja tayo inginga
antte tsangae canseye. Tise Dutssi'ye tsu cansian'su.

Majan Chiga Dutssi'yeye in'jan'cho tsu tsangae
canse'fa. Tsa'ma majan Chiga Dutssi'yeye
in'jambi'choa'ta canse'fambi. Que'i Chiga Dutssi'yeye
in'jan'fasi gi que'inga qquen tevaen que'i tisupa
Cristoi'ccu tsangae canse'fa'choma atesu'faye.



Juan 14; 2 Corinto'su 5; Canjaen'cho. 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Cofán Bible (con) © 1998, Wycliffe Bible Translators,
Inc. All rights reserved.

<https://live.bible.is/bible/CONWBT/MAT/1>

©2026 Bible for Children, Inc.

www.M1914.org

www.bibleforchildren.org

